


高上玉皇宥罪寶懺卷

下中上

風陵文庫

文庫19

F280



玉皇宥罪寶懺卷上文昌較正

雷霆都督辛漢臣著

具錄職臣某等謹炷真香虔誠

上奏。

說經教主元始天尊。

玉皇寶懺

上卷

一

聚仙文社

抱送玉帝靈寶天尊。
流演聖教道德天尊。
萬天至尊玉皇上帝。
光嚴妙樂國王聖父天尊。
寶月光皇后聖母元君。

經筵啟問無鞅真聖。
侍宸拱御一切真仙。
臣等伏聞玄苑幽居。
元始升光明之座當是比升字現經神通品云升光明座詳註自見化身來集。
玉帝演本行之經言往昔時有

妙樂國王號淨德。后寶月光。慮
儲嗣之乏。傳勅道流而徧禱。已
經半載。不退初心。感

太上道君與諸至真。駕五色輦。
抱一金容。毫孔放光。宮殿改色。

從皇后之懇請。賜太子以繼承。
生而神靈長而慈善。頌歌謠於
有道。化浹洽以無為。既捨國以
付大臣。遂入山而修至道。行藥
治病。助國救人。初乃證於金仙。

後方成於
玉帝昔未曾有。歎莫能窮。臣等
曠劫受恩。累生蒙化。恨以愚迷
之性。積成深重之愆。敢不懺陳。
以干原赦。爰仰遵於教典。庸力

致於悔思。祈斷障以消愆。冀禳
災而集福。隨心滿願。證聖成真。
方茲懺法之宣揚。首望真仙之
臨降。庶蒙哀愍。遂獲感通。伏願
世界俱同琉璃。仙眾皆乘金碧。

玉皇寶懺
九色瓊輪之輻輳。十絕羽蓋以
飛揚。靈風奏樂以相和。寶花成
蓋而徧覆。鸞嘯鳳唱。麟戲龍盤。
悉翔舞於天端。咸下臨於凡世。
俾天人而悅慶。獲罪咎以蠲除。
音捐

倘副禱祈。曷勝慶幸。臣與弟子
某等。下情無任瞻仰
天威。拱俟降臨之至。誠惶誠恐。
稽首頓首。注想
尊容。諒蒙

垂光謹依經念

高虛清明天主所作頌章以伸
讚歎。

金闕玄穹主 高上玉皇尊

妙相冠諸天 慈光燭三界

真聖妙道師 天人依仗師

大乘垂法語 真一指迷途

功德若虛空 讚揚無窮盡

具錄職臣某領錄奉

大道弟子某等謹虔誠再拜上

奏。

三清上聖玉帝至尊

帝父帝母至聖至真三界十方

一切真靈

臣等伏聞

聖德無窮。不容紀讚。凡情有感。當盡稱揚。妙見妙知。固無等倫。大慈大悲。有希哀愍。敬爰按經而稱述。庶隨念以皈依。歸一十號強名。未可讚難名之號。十七光雖

盡豈能窮無盡之光。大而曰天。
天亦豈擬其倫。極而曰道。道則
皆從所出。雖金口猶莫能罄。豈
人世所可得知。姑披經言。以揚
聖德。伏願口宣一善。在心之眾。

善皆生聲讚十名。滿籍之罪名。
皆落。仁愛和遜。隨時增長。智慧
辨才。漸可圓成。與諸有情。證無
上道。臣與弟子某等。下情無任
懇祝之至。善與過往祖先見存

玉皇寶懺
眷屬塵寰品彙內長夜幽魂傾倒
虔誠皈依敬禮。

臣等至心皈命禮。

玉皇大天尊玄穹高上帝。
至心皈命禮。舉六通力。

玉皇大天尊玄穹高上帝

以下每一句眾和
天尊聖號各一拜。

至心皈命禮。

放大光明

白玉京中

黃金闕內

七寶玄苑

大光明殿
聖中最尊
身寶光燄
幼而敏慧
仁愛和遜

光明座上
清淨第一
色相妙好
長而慈善
功成超度

割愛學道
拯救眾生
恢宣正化
助國救人
放大光明

行藥治病
廣行方便
敷揚神功
行忍辱故
現希有相

是蒼穹主
妙見妙知
湛寂真淨
上聖上靈
光明藏

浩劫之尊
無等無倫
杳亡杳存
大神通
大丈夫

開化人天
大慈大悲
玄理幽深
運化古今
威德希有

教道無窮
流煥法輪
生浩劫前
號最上乘
無量功德

本號字安協

清淨自然
威靈恢廓
無幽不開
多劫行化
分身變化

神明堅固
聲名周徧
神奇堂堂
示大神通
應現隨方

利濟羣生
開悟後人
莫可度量
大慈悲光
大忍辱光

普垂教法
神智妙達
大神通光
大喜捨光
大平等光

大柔和光
大利益光
大智慧光
大解脫光
大功德光

大自在光
大如意光
大吉祥光
大皈依光
大圓滿光

大無礙光
蒼穹真老
智慧辨才
三界師
無能勝主

無能勝光
妙圓清淨
至道至尊
混元祖
四生慈父

高天上聖

大慈仁者

十號圓滿

萬德周身

無量度人

拔生死苦

至心皈命禮

太上彌羅無上天。妙有玄真境。

渺渺紫金闕。太微玉清宮。無極
無上聖。廓落放光明。寂寂浩無
宗。玄範總十方。湛寂真常道。恢
漠大神通。玉皇大天尊。玄穹高
上帝。

具錄職臣某領錄奉

大道弟子某等謹虔誠再拜上

奏

三清三境天尊

昊天玉皇上帝

帝父母至聖至真三界十方

一切真靈

臣等伏聞造道成真蓋本過尤

之寡從生入死端由踐履之乖

性一縱則過積邱山心一悔則

罪釋冰雪。故本行經教之昭示。乃罪福因緣之了明。敢不萌於悔心。仍復由其縱性。投誠懇切。望聖矜憐。十惡五逆。隨跪拜以消除。三孽六塵。逐稱揚而洗滌。

不敢覆藏而自隱。悉皆首露。以力陳。庶蒙慈悲。特垂原赦。伏願萬目千條之罪。言下立消。多生歷劫之愆。道前咸滅。更盡未來之世。長為無過之人。與道合真。

去聖不遠。上及九玄七祖。普同
六道三塗。蠢蠢眾生。茫茫下土。
悉仗

玉皇之大德。同消曠劫之深愆。
寡過寡尤。盡善盡美。臣與弟子

某等下情。無任懇祝之至。普與
過往祖先。見存眷屬。塵寰品彙。
長夜幽魂。傾倒虔誠。皈依敬禮。

臣等至心皈命禮

玉皇大天尊玄穹高上帝。

至心皈命禮。願各各明了
罪福因緣。

玉皇大天尊玄穹高上帝。

以下每一句眾
和聖號各一拜

至心皈命禮

願是諸惡孽悉得除滅。
願五逆十惡悉皆消滅。
願一切惡孽悉皆滅盡。
願能滅惡心信向是經。
願無邊聖教屢承救拔。

願上聖殊恩得離地獄。
願塵沙惡孽隨心消散。
願曠劫以來罪消滅。
願縱無明性罪消滅。
願六塵徧染罪消滅。

願三孽縈纏罪消滅。
願肆意任心罪消滅。
願曾無覺悟罪消滅。
願日積月深罪消滅。
願背道違真罪消滅。

願順邪棄正罪消滅。
願舉心運念罪消滅。
願不孝父母罪消滅。
願不敬三寶罪消滅。
願殺生偷盜罪消滅。

願邪淫妄語罪消滅。
願剛強暴惡罪消滅。
願無恭敬心罪消滅。
願出誹謗語罪消滅。
願穢手污觸罪消滅。

願葷口讀誦罪消滅。
願講習俗語罪消滅。
願共同戲笑罪消滅。
願地獄中罪消滅。
願餓鬼中罪消滅。

願畜生中罪消滅。

願邊夷外域中罪消滅。

至心皈命禮

太上彌羅無上天。妙有玄真境。
渺渺紫金闕。太微玉清宮。無極

無上聖廓落放光明。寂寂浩無
宗。玄範總十方。湛寂真常道。恢
漠大神通。玉皇大天尊。玄穹高
上帝。

玉皇宥罪寶懺卷中文昌較正
具錄職臣某領錄奉
大道弟子某等。謹虔誠再拜。上
奏。

三清三境天尊

昊天玉皇上帝

帝父帝母至聖至真三界十方

一切真靈

臣等伏聞障未斷則蔽塞昏迷

礙一除則通達明了埋陰霾去而

日復清朗浮雲散而天自光輝

倘未掃除寧免固蔽心未同於

宜平聲落翳乃仄聲也字典有叶音咽

天日障當去於雲翳仰

元聖之垂慈宣斷障之妙法俾

諸塵之無起庶真境之自然奈

何凡夫之愚迷。不能按法以修習。未免緣情而逐境。安能澄慮以凝神。容夫外邪亂其至道。敗靈根而盜至寶。入俗網以墮凡流。萬魔來攻。一真遂失。倘匪沐

陶鎔之德。豈能成斷障之功。按妙典以懺除。祈諸障而掃蕩。爰伸懇告。悉戒正矜憐。伏願錫智慧劍。以斷除。庶煩惱障而消滅。掃開浮翳。使慧日之光華。拂拭塵

玉皇寶懺
勞俾心珠之瑩徹。凡身清淨。道
果圓成。普同幽顯兩途。俱識圓
明一性。永無輪轉。長獲逍遙。臣
與弟子某等。下情無任懇祝之
至。普與過往祖先。見存眷屬。塵

寰品彙。長夜幽魂。傾倒虔誠。皈
依敬禮。臣等至心皈命禮。
玉皇大天尊玄穹高上帝。

至心皈命禮

仍是此四字經上詳見

以下每一句眾和
天尊聖號各一拜

願毋起疑惑 願毋起貪瞋

願毋起淫慾

願毋起嫉妒

願毋起殺害

願毋起凡情

願毋起凡思

願毋起昏垢

願毋起聲色

願毋起是非

願毋起憎愛

願毋起分別

願毋起高慢

願毋起執著

願凝神澄慮

願萬神調伏

願心若太虛

願內外貞白

願身得清淨

願超度諸難

願得覩慈顏

願咸蒙護度

願普聞妙法

願親奉供養

願永無輪轉

願惡根斷絕

願玄都紀名

願諸念不生

願萬緣頓息

願捨除妄想

願受持是經

願無所不容

願無所不納

願外邪不亂

願真宗不失

願靈根不敗

願不墮凡流

願不入俗網

願萬魔不攻

願得聞妙法

願捨除結習

願修諸妙行

願具解脫門

願同清淨信

願同清淨解

願同清淨念

願同清淨行

願同清淨身

願同清淨心

願同清淨意

願同清淨果

願同清淨報

願同大慈心

願同大悲心

願奉戒專一

願冥心明大道

願善護真宗

願孝養父母

願恭敬三寶

願竭忠於君

願不殺不盜

願不淫不妒

願不瞋不恨 願不驕不詐

至心皈命禮

太上彌羅無上天。妙有玄真境。
渺渺紫金闕。太微玉清宮。無極
無上聖。廓落放光明。寂寂浩無

宗。玄範總十方。湛寂真常道。恢
漠大神通。玉皇大天尊。玄穹高
上帝。

具錄職臣某領錄奉

大道弟子某等。謹虔誠再拜。上

奏

三清三境天尊

昊天玉皇上帝

帝父帝母至聖至真。

天地水陽十方印明真靈

臣等伏聞無形無名獨高曰道

有體有相。寧免乎災。天地猶有

否終部日月豈無薄蝕食矧為人類。

各患奏凡軀不能離數而超緣。未

免屬星而隨運。前定之薄宿緣。

之重。次舍以逆。時命以乖。豈免乎災。寧逃乎難。大而水火盜賊。甚則疾病逃亡。六極五衰。七傷八難。三災四煞。九厄十纏。鍾於國而國不安。移於歲而歲不稔。在

兵戈水火。饑饉流離。既遵奉於教言。當懺禳於災厄。伏願咸蒙護度。悉獲感通。回定數而解前緣。退威星而平舛運。在於一己。餘殃以弭。而厄會以消散。及萬

殊劫運可逃。而洪災可免。安處
塵寰。動與古處。至度道岸。無使
災侵。已健人安。天長地久。臣與
弟子某等。下情無任懇祝之至。
普與過往祖先。見存眷屬。塵寰

品彙。長夜幽魂。傾倒虔誠。皈依
敬禮。臣等至心皈命禮。

玉皇大天尊玄穹高上帝

至心皈命禮

以下每一句眾和
天尊聖號各一拜

願苦惱痊平。普蒙解脫。

願山神衛護。猛獸自退。
願風浪頓止安穩達岸。
願是諸惡賊悉自退散。
願冤枉自伸即得解脫。
願眾邪遠避自然安愈。
本經安愈

願一切災殃不能侵近。
願一切重病便得痊愈。
願諸惡鬼神盡自消滅。
願咒詛^古蠱毒皆自散滅。
願至度道岸無使災侵。

願保命度災掃諸不祥
願一切災魔自然殄滅
願消兵戈並起之災
願消疫氣流行之災
願消水旱蟲蝗之災

願消凶年饑饉之災
願消種種惡病之災
願消疥癩癰疽之災
願消憂悲苦惱之災
願消橫逆所加之災

願消牢獄繫鎖之災
願消非分自害之災
願消毒藥所戕之災
願消虎狼毒蛇之災
願消冤家讎對之災

願消值遇惡人之災
願消被他屠割之災
願消推落崖岸之災
願消邪精殘害之災
願消水火焚漂之災

玉皇寶懺
願消刀兵橫誅之災
願消橫喪天年之災

至心皈命禮

太上彌羅無上天。妙有玄真境。
渺渺紫金闕。太微玉清宮。無極

無上聖廓落。放光明寂寂。浩無
宗。玄範總十方。湛寂真常道。恢
漠大神通。玉皇大天尊。玄穹高
上帝。

具錄職臣某。領錄奉

大道弟子某等。謹重誠上奏。

三清上聖

玉帝至尊

帝父帝母至聖至真

天地水陽一切真靈

臣等伏聞福力崇高。始有福緣之集。善念圓熟。方來善瑞之臻。非天人而莫徵。惟仙徒而可繼。既未積修真之行。而素虧好道之心。寧免禱求。以干敷錫。按妙

經之所載。謂持誦而後能。既已
歸崇。粗知習誦。罪福兩途。罪既
除。則福必蒙賜。災祥二理。災既
消。則祥必可儲。既除罪於前定。
消災於後。諒蒙慈愍。必徇懇陳。

敢伸禮拜之恭。庶沐簡穰之降。
露香懇請。望

帝仁慈。伏願德湛龐洪。恩施曠
蕩。祥風廣扇。普萬物以咸熙。惠
澤旁流。俾一門而胥慶。五福斂

錫而凡民均樂。百祥來介。而後
齋繁昌。世躋仁壽之鄉。長享延
綿之福。如居塵外。不異玄中。臣
與弟子某等。下情無任懇祝之
至。普與過往祖先。見存眷屬。塵

寰品彙。長夜幽魂。傾倒虔誠。皈
依敬禮。臣等至心皈命禮。
玉皇大天尊玄穹高上帝

至心皈命禮

以下每一句。依
前和號各一拜。

願安樂快然神風遐著

願貴遇人君職務遷轉
願財寶充溢衣食自然
願慶流子孫傳之後代
願是諸惡星反降吉祥
願心欲願者一切如意

願出言希聞所至恭敬
願顯貴崇重光大其門
願吉祥熾盛災障不侵
願道根深重宿有善緣
願宿植道本廣種福田

願心有所請一切應奉
願仙丹妙寶隨意自得

至心皈命禮

太上彌羅無上天妙有玄真境
渺渺紫金闕太微玉清宮無極

無上聖廓落放光明寂寂浩無
宗玄範總十方湛寂真常道恢
漠大神通玉皇大天尊玄穹高
上帝

玉皇宥罪寶懺卷下文昌較正
具錄職臣某領錄奉
大道弟子某等謹重誠上奏。
三清三境天尊
金闕玉皇上帝

帝父帝母至聖至真

天地水陽十方一切列聖恭望
洪慈洞回淵鑑。臣等伏聞眾寧
無願。惟所願之不同。人各有心。
豈其心之可一。墮者欲昇而賤

者欲貴。貧者欲富。而苦者欲安。
或求證道成真。或務濟民利物。
各有所求。豈無願者。必待其滿。
而後釋然。仰惟妙道垂慈。能遂
眾生所願。敢伸致禱。曲賴昭孚。

玉皇寶懺
伏願俯察凡情。特垂天聽。隨機
赴感。應念從心。或利己利人。或
為幽為顯。悉令志滿。毋使願違。
臣與弟子某等下情。無任懇祝
之至。普與過往祖先。見存眷屬。
塵寰品彙。長夜幽魂。傾倒虔誠。
皈依敬禮。

臣等至心皈命禮

玉皇大天尊玄穹高上帝

至心皈命禮

以下每一句。依
前和號各一拜

願天下歌謠欣國太平
願地獄苦魂化生諸天
願三惡道苦一時解脫
願普為十方演說諸法
願普放神光照燭法界

願六凡四聖普叨道廕
願聖賢慶會普天興隆
願國土清平人民樂業
願凶寇自夷邊域不爭
願運推數周正道當行

願一切枯槁便生枝葉

願短命眾生各得長壽

願六道眾生普蒙開度

願一切天神本經天神。五衰四相永得

除滅轉增天福

願王臣兆庶即得人天長壽
之樂。

願身或滅度即得脫殼尸解
之道。

願一切諸魔安處天宮鬪戰

之苦各得休息。

願一切罪魂離地獄苦得淨

土樂。

願一切餓鬼即得飽滿無饑

渴苦。

願一切畜生脫畜生苦得智

慧樂。

至心皈命禮

太上彌羅無上天。妙有玄真境。
渺渺紫金闕。太微玉清宮。無極

無上聖廓落放光明。寂寂浩無
宗。玄範總十方。湛寂真常道。恢
漠大神通。玉皇大天尊。玄穹高
上帝。
具錄職臣某。領錄奉

大道弟子某等。謹重誠上奏。

三清三境天尊

昊天玉皇上帝

帝父帝母至聖至真

天地水陽眾聖十方一切真靈。

王白寶鑑
恭望洪慈。洞回淵鑑。臣等伏聞
求道未勤。豈能成道。修真有素。
自可成真。諦觀本行之經。深貴
能持之子。凡讀是經。可稱真人
之號。若習其奧。必臻仙道之成。

既再三懇請。而斷障消災。當究
竟證悟。而造玄人妙爰。伸懺謝。
以^戒弓周成。伏願道炁咸臻。天福
益固。超沉尸而起飛魄。遊聖域
而聽法音。身處五雲。神遊八極。

千靈敬仰。萬神攝伏。三界侍衛。五帝司迎。不失人身。克成真道。上資家國。下及民生。俱入法門。同登道岸。臣與弟子某等下情。無任懇祝之至。普與過往祖先。

見存眷屬。塵寰品彙。長夜幽魂。傾倒虔誠。皈依敬禮。

臣等至心皈命禮。

玉皇大天尊玄穹高上帝。

至心皈命禮。

以下每一句依前和號各一拜。

願一切人民咸臻道炁。
願白首細皺面皆得化度。紺髮
朱顏。
願少壯幼穉轉增形容光澤
美好。

願枯骨更生。沉尸飛魄皆起
復形。
願得生十方諸大天宮
願仰朝上帝各到道前
願嬉遊聖域餐聽法音

願依教奉行登真成道
願天宮玉女持幢^林下迎
願宿性通明尊奉大道
願輾轉修持誕登道岸
願神生淨土蓮花化身

願了悟生死深入山林
願眾魔外道悉皆攝伏
願自在逍遙號人中聖
願德慧長新同諸真人
願坐招自然天福益固

願身度三界與道常存
願得為九天真仙之人
願天真御几玉妃拂筵
願萬神班列諸天臨壇
願三界侍衛五帝司迎

願身處五雲光明赫奕
願上昇天宮眾真下迎
願頓得超證無上妙道
願五帝輔翼召使神仙
願御役神官運導陰陽

願千靈敬仰萬神攝伏
願百邪避路羣魔束形
願逍遙自在與道常存
願得證功德身一切有情被
其蔭故。

願得證神通身一切吉祥咸
臻集故。
願得證清淨身是諸惡孽不
能侵故。
願得證威德身天魔異道不

能攝故。
願得證無等身。上帝謠唱。萬
神敬故。
願得證堅固身。惡劫大難。不
能損故。

願得證道藏身。口出言語。鬼
神仰故。
願得證慈悲身。六道眾生。賴
其善故。
願得證大道身。出入所在。無

玉皇寶懺
怖畏故。

願得證良醫身。善行妙法。安樂人故。

願得證光明身。常為帝光。所攝受故。

願得證自在身。天宮妙境。神能遊故。

至心皈命禮

太上彌羅無上天。妙有玄真境。
渺渺紫金闕。太微玉清宮。無極

無上聖廓落放光明寂寂浩無
宗玄範總十方湛寂真常道恢
漠大神通玉皇大天尊玄穹高
上帝

具錄職臣某領錄奉

大道弟子某等謹重誠上奏

三清三境天尊

昊天玉皇上帝

帝父母至聖至真

天地水陽道德眾聖十方感應

一切真靈恭望

洪慈洞回淵鑑。臣等伏聞

本經從皇字

玉皇功德大能救度於眾生。凡俗罪愆深。敢歸投於洪造。既極稱揚之力。復伸懺悔之誠。諒沐

慈悲特垂赦宥。罪福之緣。可得明了。障礙之因。悉皆斷除。保命度災。延祥集福。在心之願。得滿修真之道。可成。豈非因緣實為慶幸。尚賴始終之相佑。必令懇

禱之昭通。無願不從。有求必應。
保天長存。而昌運再啟。致國太
平。而凶寇自夷。九幽破壞。長夜
光明。五福斂錫。兆民歌唱。祖宗
昇度。眷屬康寧。財寶充溢。而衣

食自然。子孫榮貴。而吉祥熾盛。
善芽增長。道果圓成。胥與羣生。
普霑。

聖澤。臣與弟子某等。下情無任
懇祝之至。誠惶誠恐。稽首頓首。

再拜謹言。

大哉至道

無宗上真

上度諸天

下濟幽魂

上無師祖

惟道為身

丹臺紫府

金闕玉京

秘此妙法

溥福含靈

滅我萬罪

增我遐齡

萬神朝禮

魔王保迎

功昌德盛

黃籙書名

渺渺億劫

使我長存

向來禮懺功德無量殊勲謹以
皈命。
說經教主。元始天尊。
抱送玉帝靈寶天尊。
流演聖教道德天尊。

萬天至尊玉皇上帝

光嚴妙樂國王聖父天尊

寶月光皇后聖母元君

經筵啟問無量真仙

天地水陽一切眾聖恭望

洪慈洞回淵鑑。以茲功德。專為弟子某等。悔過消災。延生集慶。伏願凡情感格。

上聖矜憐。障孽斷除。冀功成而願滿。吉祥便平聲駢集。獲增福以延齡。

九祖超昇。一門康泰。身心清淨。處世昌隆。一切有情。證無上道。至心稱念。

三清三境天尊

玉皇赦罪大天尊玄穹高上帝

無量不可思議功德

夫經者所以傳道懺者所以悔過使世人能真心信道能真心改過自可消除劫數方不負

上帝好生之心傳經之意若但徒念誦是口功非心功小功非大功也凡誦此經禮此懺者務須口誦心維身體力

行焉可。

監刻皇經神奉

孚佑帝君命降詞於彭家灣樂善山房

卷之四

平於帝後命制師法家學與山
林下道隱是懸林

